

¡BOMBA!

¡Ay de Colombia y su estrella!
¡Qué desafío a su vida!
¡Qué terrible sacudida,
nomás subió De la Espriella!



K'untzil

Martes 11 ti' agosto ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2786 · www.lajornadamaya.mx

Tu kaajal kex 900 millnesil máako'ob u'uypaj u jach táaj ooxolil yanchaja'an ti'al u winalil julio

U lu'umilo'ob América Latina, Sahel yéetel Españae' leti'e' tu'ux maas jach táaj tu beetaj ooxol tu winalil julio ti' le ja'abil 2026a', desde ka káaj u beeta'al u registrosil, beey úuchik u chíikpajal ti' xaak'al beeta'ab tumen Afp, yéetel u datosil u europeoil nu'ukbesaj Copernicus.

Ti' xaak'al beeta'abe' jach ila'ab bix yanik u milesil millonesil datos ti' u modelo il climático ERA5 jóok'sa'an tumen Copernicus tu'ux ila'ab yanchaj 33 u péel noj lu'umo'ob tu'ux

p'ita'ab u récordil temperatura ti'al u winalil julio.

Ti' jaypéel noj lu'umo'obe', meteorológica mola'ayo'ob je'el bix Aemet tu lu'umil España wa Météo-France tu k'a'ayto'ob ts'o'okili' u piitmáan le beyka'aj ooxol yáax u'uya'an desde ka káaj u pi'isil.

Ba'alae', ya'abach ti' le Estado'ob tu'ux maas jump'iit taak'ine yane', ma' jach sáasil yanik u daatos climáticosil ku ts'a'abal k'ajóoltbil.

Afpe' ku chúukbesik u datosil yóok'ol kaab ikil u bin u xak'alt

a jujump'éelil ba'ax ku bin u chíikbesa'al tumen Copernicus, tu'ux táaka'an pi'isilo'ob beeta'an tumen satélite, beyxan estaciones meteorológicas yaan ti' lu'um, k'áak'náab wa iik', yéetel modelos numéricos. Yaan ichil tuláakal yóok'ol kaab, lalaj hora, desde u ja'abil 1970.

Ti' le 900 millonesil máako'obe', óoli' kex 400 millones kaja'an África, u ya'abile' tu t'o'olil Sahel. Te'el baantao' lajunp'éel nojlu'umo'ob tu piitmáanso'ob u jach piimil ooxol ila'an ti'al julio,

ichilo'obe' ti' yaan Mauritania, Níger, Burkina Faso, Sudán, Kenia yéetel Etiopía.

Centroamérica yéetel u xamanil Sudaméricae', káaj El Niño ti'al junio yéetel u jach piimile' yaan u yu'uba'al ti'al u ts'o'okbal le ja'aba', le beetike' jach táaj tu beetaj ooxol. Tu lu'umil México tak tu xamanil Brasil, beyxan tu jaal ja'ilo'ob Pacífico yéetel escudo guayanése', yanchaj kex 110 millonesil máak tu yu'ubaj u jach k'a'amil le ooxolo'.



AFP / P 25
Oochel Ap